

《續修四庫全書》編纂委員會編

續修四庫全書

上海古籍出版社

七七九・史部・政書類

宋會要不分卷（職官二十二至五十）

〔清〕徐松輯

校記不分卷

葉渭清撰

.....一

2652/09

宋會要

御尉寺

御尉寺令無所掌以朝官一員判寺事 兩朝國史志
御尉寺事一人以郎官以上充凡武庫武器並歸內庫
及軍器庫以它官及內寺典領守宮歸儀駕司本寺無
所掌府史二人元豐改制事具職官志 神宗熙寧四
年十二月一日詔御尉寺行事京官并大禮押當祇應
並撥審官東院 神宗正史職官志御尉寺卿從四品
少卿正六品丞正八品主簿從八品各一人掌甲械儀
物之事凡內外作坊輪兵器則辨其名數驗其良窳選
納以歸七庫安置曝涼有法若進御頒給則按籍而出
之供帳什物率視比驗察馬大禮則設帷宮帳次陳函
簿宴享賓客供幕布茵席而祭祀朝會則及其羽儀節
鉞金鼓必具以時閱視有敝則修於少府軍器監歲終
上計帳於兵部分案四設吏十總局十有三儲甲械則
歸內弓箭庫南外庫軍器五庫 哲宗正史職官志云內
弓箭庫南外庫軍器五庫 哲宗正史職官志云內
庫掌弓帳則歸儀駕司 哲宗正史職官志同貯什物則
歸軍器什物庫宣德門什物庫 哲宗正史職官志軍器
什物庫宣德門什物庫掌收貯什物給用則據籍而領
之大禮板木庫 哲宗正史職官志不載大禮板木庫選
幕吏卒以給用則歸左右金吾街仗司六軍儀仗司 哲
宗正史職官志稱左右金吾街仗司左右金吾仗司掌

清道徽巡排列奉引儀仗以肅禁衛凡儀物以時修飾
選募人兵而拔其遺補之事 治平四年神宗已即位改
元正月八日詔都大提點軍器庫所今年所支諸處添
差巡檢下衣甲器械等內除衣甲更不支給外其餘械
器據合支分數依例支給 神宗熙寧元年八月詔減
罷都大提點軍器庫文臣一員 二十六年詔入內
副都知張若水提點內弓箭軍器等庫 是月樞密院
言監內弓箭槍庫承制楊安道入內供奉官李孝基等近
以不職降黜令提舉內軍器庫所別舉官詔今後令樞
密院差內供奉官仍委入內侍有選定續給樞密院
於前班內臣中選差一員 十月九日詔儀駕司多不
整齊令提舉司舉文臣一員同共勾當却替使臣具員
二年六月二十一日詔令都大提點內弓箭庫揀到
係修衣甲槍刀器械等重行編排內多少名件製造精
巧可以添修使用若干名件怯弱不堪添修合行變轉
各立庫眼排垛件析以聞 十一月十七日駕部郎中
宋仲容等言奉詔點檢儀駕司見在陳設理合具申請
事件數乞下內東門司先置內中取借官物簿今後每
有取借之物更不得令工匠以白狀請務在須門司官
吏印押開牒本司方得分付限五日內具公文給還抽
取開牒毀抹入案勾銷文簿其經久占使什物去處每
至故舊仍仰分明送還正行取借新鮮什物充使仍委

本司別置門司供借官物文簿凡有取借官物分明抄工每遇新界交割即將上件文簿及所借關牌與門司文簿一處照會交割本司每月具門司月內及自前取借未還陳設什物件祈以聞降付門司照會給還詔從之仍令儀鸞司每年一次具取借未還名件以聞仲容等磨勘到兩界所少官物皆剔除之其監官等第責罰 三年十二月二十三日三司言儀鸞司關條三千乞下河東製造上批前日提舉司言物料庫牛羊司所畜羶毛舊以給宗室嫁娶昨一例折支錢今已委積數萬斤皆同糞壤三司不以見在物料為之而逐勤民力於河東可令據見在并自今所收白羊毛掛造其

奏萬壽寺三

傳骨之類即許用黑毛代之 四年十二月一日詔衛尉寺行事京官并大禮押當祇應並撥屬審官東院六年正月一日中書言欲以內軍器五庫官物貯積多在宮禁及收內降物魚白有提舉官點檢可不隸提舉語司庫務 二月十六日詔人使緣程到關應館驛頓宿位次令儀鸞帳設司不得以諸處地圖供應 七月十三日詔置內弓箭南庫儲御前所修製軍器仍別差官提舉 八年五月十二日都大提舉內弓箭軍器等庫所張茂則言轄下四庫軍器不堪緣逐庫監專只以二年為界方欲整齊各又交替乞今後軍器四庫監官以三年為界任滿日如出納整齊排架物色與帳籍差

互并專副界滿並許當所保明等第酬獎從之 元豐五年九月十七日詔內弓箭南內外兩庫軍器什物止供御寶帳及本庫帳母以帳供兵部衛尉寺 哲宗紹聖三年正月二十四日詔儀鸞司武臣令三省選差元符二年五月十六日兵刑部乞立儀鸞司係公人盜本司官物若知情贓賈及為隱寄典買者編配告賞法應之 徽宗崇寧二年正月七日詔置六尚局尚舍局掌供御帷帶張設之事并見殿省中政和五年十月九日詔儀鸞司兵匠即令闕人役使可將原係本司工匠緣事降配及投換之人令兵部剗刷並行拘收赴司依舊職名收管仍自到司日權免對歷先次勘給逐等請給 七年六月八日詔金吾衛伏司依格差大使臣係武翼大夫以上不許差十使臣已差者罷 高宗建炎三年四月十三日詔衛尉寺并歸兵部

奏萬壽寺三

宋會要

儀鸞司在拱宸門外嘉平坊掌奉輿親祠郊廟朝會巡幸宴饗及內庭供帳之事 大中祥符九年分儀司庫為三一曰金銀器皿帑幕什物之第一第二等者二曰香燭帟幕什物之第三第四等者三曰檀油床椅鐵器雜物勾當官五員以京朝官諸司副使及內侍充兵校及匠二百九十一人官小一百一十四人 真宗咸平四年八月詔諸州所上閏年圖自今每兩閏一造每三次納儀鸞司即一次納職方換職方舊圖却付儀鸞司其諸路轉運司即十年一造 大中祥符七年二月詔儀鸞司今後應係諸處排當取索什物合供應者須

卷一百六

具數上簿方得供應用訖勾收入庫鑿簿收掌七月臣僚言儀鸞司遺火之時屋舍連屬毀折不遺復內庭庫務至甚擁隘如儀鸞司簾幕林榻之類不須逼近宮殿乞速命使臣相度以聞從之 八年正月三司言不堪什物萬五百七十八缺差使臣一員專副二人於左右掖門西廊下置庫立界受納揀選內有止是顏色故時及有破損堪任縫補者即感併收管過勒華并閑慢處排當所須什物及修造處要遮圍青布等使用並令儀鸞司於揀什物庫請借供使從之十一月詔儀鸞司庫屋移出拱宸門外自今本司人員工匠官小并雜役兵士等每遇崇德長春天安會慶崇政殿等及延福宮後

苑井內中非時宴會或遇駕出將擎隨駕物色入內祇應並許就便入拱宸門供應仍令本司供數與本門人員點檢出入若中書樞密宣徽學士院秘閣三館延設供應及左藏內藏皇城司軍器庫舊酒坊等處或非時祇應並於東華門左右掖門出入其本司監官逐日出入內侍使臣等即依舊例於拱宸門出入諸司使副使等於朝門出入 九年二月三司言儀鸞司管錦繡銀泥青素帳設什物名件浩瀚供應不少自來只一司置庫收管色額庫分交雜不得整齊今欲委本司判官與提舉庫務朝臣使臣同計會監官將帳管什物相度分擘各庫收掌事下鹽鐵判官嚴國祥與提舉庫務儀鸞

卷一百六

司相度分作三庫別立專副曹司庫子其監官工匠依前通同管勾排當去處同共祇應從之 凡金銀器物及第一第二等帳設什物房卧物地衣舞筵作一庫契丹三番什物及第三第四等什物蠟燭香乳香作一庫所有三番使到闕什物非時不得別用鐵器木植家事木椅丁索櫺帳亭殿竹木胎骨頭手窠木營房屋庫油涼笠作一庫初林特議分作四庫監官監稱分庫而監主通管之稍便真宗令丁謂諭特更議悠久之因言不如條約愛惜官物且如道場中凡用錦繡供養勾當使臣先自取用鋪設往往踐履因思衛紹欽勾當時一一夕聞黃門喧闐乃紹欽奪取錦褥盡以紫絕者代

之至如魏昭監厨內中小底數移換食品昭告之曰食味不嘉即可為咎責當局者若食品即素定不敢輒易也當官如此執守亦是不易 天禧元年六月三司言儀鸞司送到副知任信為受工匠吳斌錢將所欠釘索子虛作入庫其監官各有不躬親點檢之罪亦合取勘緣由舉送官顯是點檢彰露欲令本司今後每出納官物委監官躬親於庫門點檢給納見支納訖方得書字詔自今令三司勘會如是因監官點檢發覺即與免勘 仁宗天聖元年四月定奪所言臘燭舊例並儀鸞司掌管自大中祥符七年三司奏除內中取索依舊令供外餘於三司開折司置庫收支就差監門檢法

卷三百六

三

官勾當及差專知官庫子費用不少又儀鸞司揀出改舊什物亦止本司收管自大中祥符七年後三司起請專差使臣專副庫子兵士於左掖門東占射行廊為揀什物庫受納十年止及百十事件枉費不少欲乞依舊撥歸本司附帳收管只今準例支遣從之 五年七月三司言將來南郊請差儀鸞司兵士五千人望依舊例差三千二百四十七人從之 八年五月開封府言昨勘儀鸞司工匠戴用盜貨官物乃因工匠少欠官物以請受起折填納故致偷盜緣本司最處重難工匠三百餘人不分都分更牙差撥多不整齊乞下本司揀選分都分事下三司與提舉司同定奪聞奏遂請將南北兩

營內四部均人員部轄若供應差使一依舊例案同部轄北營為第一第二都南營為第三第四都兼勘會本司元額都虞候一人正副指揮使一人今定每營用指揮使副指揮使各一人都虞候更不添填却添正指揮使一人其員餘十將已下並據元額分管今後請改官物筵宴供應侵盜官物工匠官小乞杖配逐處或同情盜物反告官者並免罪量支賞錢其告捉者長行轉郎級人員節級於本職上遷轉其支賞錢以犯事人家財充不足以儀鸞司頭子錢充所盜官物估直錢五千至十千長行轉郎級賞錢五千人員捉獲工匠只賞錢五千所盜一千至五千告捉者不以人員長行只賞錢五

卷三百六

四

千一千以下賞錢三千應案坐久占限設什物自來只憑工匠請往祇應今後欲具數目牒與逐處交領如要迴換亦須牒赴儀鸞司從之 神宗熙寧元年十月九日詔儀鸞司多不整齊令提舉司舉文臣一員同共勾當却替使臣一員 二年十一月十七日駕部郎中宋仲容等言奉詔點檢儀鸞司見在陳設并具合申請事件欲乞下內東門司先置內中取借官物簿今後每有取借之物更不得令工匠以白狀請領須門司官吏印押關牒本司方得分付限五日內具公文給還抽取關牒毀抹入案勾銷文簿其經久占使什物去處每至改舊仍仰分明送還正行取借新鮮什物充使仍委本司

別置門司供借官物文簿凡有取借官物分明抄上每遇新界交割仰將上件文簿及所借關牒與門司文簿一處照會交割本司每月具門司月內及自前取借未還陳設什物并以前降付門司照會給還詔從之仍令儀鸞司每半年一次具取借未還名件以聞仲容等磨勘到兩界所少官物皆蠲除之其監官等第責罰六年二月十六日詔人使緣程到闕應館驛宿位次令儀鸞司帳設司不得以諸處地圍供應高宗紹興三年七月二十日詔儀鸞司將本司慣熟手高工匠先行籍定五十人充專一應奉御前排辦如有事故之人於以次工匠內差填今後諸官司於籍定工匠數內指名抽差並不發遣止從本司差撥前去雖承降到特旨及衝改本司一切條禁具令發遣更不許執奏占留一切指揮並從本司未得發遣中取朝庭指揮本司言籍舊管人匠七百人近蒙裁減九十人為額差撥不足故特有是命二十九年四月十三日詔儀鸞司幹辦官今後差武臣其請給理任酬賞並依本司省記條法三十一一年二月三日詔儀鸞司陳設凡有破損並申尚書省俟到運司及臨安府方許以新易舊先是一年有至五易者故有是命孝宗乾道元年三月五日儀鸞司言本司所管工匠舊額七百人權以三百五十人為額今闕八十餘人常日排辦及差赴德壽宮應奉國信

所闕人分布乞依條填額從之五年二十七日詔儀鸞司官使臣滿二年替與減一年半磨勘內侍官滿三年減二年半磨勘從吏部檢坐紹興格也十月四日詔會慶聖節使人朝見若二十一日值雨拆去山樓難以絞縛裝緣越次日上壽所有逐殿山樓並不拆去內垂拱殿山樓照應隔門高下隨宜將山樓下厦向高絞縛以顯龍門作樂兩不相妨二年七月七日儀鸞司言本所所管人匠見闕三十餘人將來大禮竊慮闕人乞除崇奉所在并內中殿門供內儀鸞外其餘應合破儀鸞司工匠去處權住發遣候本司招填日依舊從之十月十七日詔會慶節及日後使人見辭筵宴等所設爐火並免供設六年七月十九日詔儀鸞司所管人匠昨係三百五十人為額令招收數額自後遇闕日招填淳熙二年十一月二十一日詔儀鸞司不般新油幕出外因致失火看管等人已行斷配其本司幹辦官林恕特降兩官十四年七月七日詔儀鸞司工匠三十人以司農少卿吳煥議減冗食下教令所裁定故有是命慶元二年二月二十一日儀鸞司言本司所管排辦應奉慈福宮重華宮壽康宮并御前及使人到闕并崇奉去處應干排辦事務最為繁劇所管支遣官物浩瀚其專副名闕係踏逐他處之人到司並皆生疎深恐誤事今竊見本司押司官王汝翼諳練排辦事務已

候專知官邵良輔界滿日更不踏逐填闕止令王汝翼
先次兼權邵侯押司官年滿日出職補受名目了日正
行差填名關兼點檢文字祇應所有立界謂給酬賞等
並依今來專副見行條法施行庶得應奉排辦支遣各
無稽誤詔從之 三年六月二十日儀鸞司言本司舊
管人匠并撥到尚舍局人匠共以七百人為額緣即次
承降指揮裁減至今權以二百七十人為額即目見管
二百一十五人於內見有皇城司御輦院等處差取到
司充填額內工匠并本司工匠見宣借到壽康宮并御
前閣子庫崇觀堂南廊庫等處共六十二人實占祇應
並不超赴本司工役外止有一百五十三人充日逐應

卷一百六

七

奉朝殿供搬坐机張打御繖涼笠及入冬供設御爐炭
火四孟朝獻及聖節并正旦使人到闕絞縛山樓釘設
祇應郊祀大禮排辦事務比之遞年工役倍增委是人
力不勝至期難以辦集今來工匠於二百七十人額內
見闕五十五人若行招刺數額必至生疎幸難教習有
誤役使兼又升降支破例物欲乞將前項見闕人數依
紹興十三年所降指揮體例止於兩浙轉運司限半月
下本路諸州軍保明選差諸練絞縛訂設結造絲帛土
高少壯有行止家累無過犯軍兵五十五人發遣赴司
並依見今職名收管仍分擘請給文憑前來比照本司
合請名色從一多給施行如有一切條禁特依今來指

揮發遣赴司工役不許占留庶得排辦不致闕誤詔特
於兩浙轉運司依數選差限半月發遣不許執奏嘉
定五年八月六日儀鸞司言本司拘押官物使臣專知
官副知名關並是外處人差到司供職不諸事務乞自
今後遇有名闕止就差本司見在專副今來界滿轉授
使臣之人充填如該職未該轉授使臣且令先次兼權
候授告了日正行填闕內有專副界滿遇闕未該轉補
使臣人吏與存留接續一次候補授使臣了日差充拘
押官物使臣所事以後退下專副名關卻差本司押司
官兼權亦候年滿補授名目正行差填或值專副兩名
前後界滿以次差前行相兼掌管候正差充專副遇有
拘押官物使臣闕亦乞先次兼權候補授使臣了日正
行差充拘押官物使臣滿日離司其兼權職事亦不添
破請給如日後外人欲來承項上件名關許令本司執
奏不行逐項名關正行差填了日所有理任請給酬賞
等並依本司見行條法施行詔從之

卷一百六

八

宋會要

金吾街仗司有左右金吾引駕仗掌殿內宿衛車駕巡幸勦箭喝探之事及送諸道旌節度使迎受人有左右街司掌街鼓警場清道諸納鼓契巡徽衛肆糾視違犯判街仗司官各一人並以將軍以上充其屬有左右仗孔目勾押引駕官都押衙勾畫都知節級四色祿稍官知箭門仗官探頭等又有兵士左右仗各五十三人左右街司有孔目表奏官兵士各百二十人 太宗淳化五年八月左神武大將軍權判左右金吾街仗魏丕以新募街司從人千餘人引對崇政殿太宗親選得五百七十人其中取身品優者二人為等分四營營設五都都有員僚節級一如禁兵之制軍頭四點面給例物命六宅使田守信權知右街事帝以京師浩穰街司巡警先用禁軍非舊制特命左右街各置千人優以廩給使傳呼備盜至是始分營部仍令魏丕更召募以充入其數焉 至道元年八月以西京作坊副使閻承翰內殿崇班劉承蘊為左右金吾都監勾當本街事帝以京邑浩穰森豪所萃復新募公人二千以四營處之資於總轄仍以郊裡泊皇太子仗衛至繁時趙延範丕皆嘗年恐不辦集故特命之 真宗大中祥符三年七月右金吾街仗言請以順天門官宅充本司公廨從之 七年六月左右金吾引駕仗言文德殿祿稍堂自來衛日

祭饗今緣禁止燃火詔令依舊祭饗 仁宗天聖六年六月詔充右金吾街仗司孔目勾押表奏官自補正名並調周年後與勦留燃嘉祐二年二月十五日御史臺言勾當左右金吾街仗六軍儀仗司宋郁多請病假每起居橫行旋請官充攝多有失儀詔今後於未有差違諸司使副承制崇班內差諸司使攝大將軍副使承制崇班攝將軍共不得過二十人每月大將軍支食錢七千將軍五千差六軍兵士四人當直候有差違別差人充攝 高宗紹興二年三月二十八日詔左右金吾街仗司共通立二百人為額裏同差仗如遇額管不足許令招刺補填先是韓辦左右金吾街仗司武畧大夫趙璫等言乞左右金吾街仗司元額各八百人權各裁定作一百五十人為額內有管額不足人數許從逐司招刺補填兵部尋取到左右金吾街仗司收逐司人兵元額左右街司各五百五十人左右仗司二百五十人應副內宿唱和更籌并差赴宰執侍從官等處當直從使除累年逃亡及昨緣渡江不到人外即目左街司有七十三人仗司有三十人右街司有四十八人仗司有二十九人比之元額十分內左街仗司共有一分右街仗司共不及一分兼即日應副窠差去處合用三百八十五人見今所管人兵逐同共止有一百八十八人今相度欲乞將左右街司元額各五百五十人權各裁減作一

百人左右仗司元額各二百五十人權各裁減作五十人為額故有是命 三年八月十八日詔金吾街仗左右兩司各以一百五十人為額 二十八年十月二十七日詔左右街仗兩司人兵各以一百七十五人為額 淳熙六年十二月十三日詔左金吾街仗司見闕人數令招刺補填祇應以奉本司言紹興二十六年十二月二十七日指揮權以一百七十五人為額見今闕四十五人乞行招填故有是命 十四年三月十五日詔金吾街仗司減人兵九十八人以司農少卿吳燠議減冗食下敕今所裁定故有是命 紹興三年七月八日兵部言左右金吾街仗司申準淳熙十四年十月四日

卷三

三

指揮裁減左街仗司以一百三十一人右街仗司以一百二十一人為額緣節次有赴亡事故見闕二十四人逐司所管人兵並係差充應奉內宿唱和更籌及掌執侍從臺諫給舍等官下當直合行招刺補填從之 慶元元年十二月二十七日兵部言左右金吾街仗司昨在京日各以八百人為額從紹興二十六年十月二十七日指揮權各以一百七十五人為額準淳熙十四年十月四日指揮敕令所將逐司見管人兵立為定額左司以一百三十一人為額右司以一百二十一人為額目今左司闕九人右司見闕一十人兩司共實闕一十九人乞行招刺以招刺到日為始依例支破口食錢米

其招軍例物自來體例更不支降招填一十九人六年闕二十九人復請招刺亦許之

卷三

四

接下寫

全唐文

宋會要

太常寺

太常寺掌社稷及武成王廟諸壇齋宮習樂之事判寺官一人或二人以諸司三品以上充又有太祝奉祀郎掌奉祭祀郊社令掌坐齋郎協律郎領大樂局鼓吹等院會要 宋樂志

全唐文

續會要

太常寺皆以禁林之長主判制而花院自有判院同判院祥符中符瑞繁縟別建禮儀院輔臣主判而知制誥為知院一天禧末罷知院天聖中省禮儀院而寺與禮院事舊不用兼康定元年置判寺同判寺並兼禮儀事一元豐正名始專其職焉職畧卿掌禮樂郊廟社稷壇壝陵寢之事一元祐詔太常寺置長貳餘寺監長貳並互置一中興併省寺監獨存太常又命太常兼中正一紹興復一隆興元年詔光祿寺併歸太常寺兼領丞二員罷掌社稷及武成王廟諸壇齋宮習樂之事一元祐元年呂純禮為少卿御史論門廡得官不可任奉常於是外補以卿一員兼中丞少卿皇祐中詔特差近上知禮官一員兼丞事御史李泌之請也職畧建炎三年省丞一紹興二年復置以上續會要

全唐文

韓太常

宋會要 齋郎

太祖建隆四年六月詔尚書禮部所補太廟郊社齋郎自今每歲以十五人為額其蔭補人並須年貌合格試念書精熟如經覆試引驗不合元勅其本司官並當貶降乾德五年九月虞部郎中趙元拱國子監丞高延緒坐試齋郎念經不實覆試差互元拱責授倉部員外郎延緒國子監主簿羅熙二年詔尚書禮部自今補到齋郎皆旋具姓名關報宗正寺其宗大中祥符六年七月詔郊社齋郎經三次行事方得投狀注擬如欲隨父兄出外並須奏聽朝旨十二月詔新補齋郎候禮部給牒

卷一百一十

即赴太常寺公參事具太常寺七年八月權判宗正寺趙世長言自今齋郎室長每年預太廟五大享無遺闕者持放一選如一年內全不到行事者殿一選只一兩次行事者勒守本出身選仍遇郊裡不在減放之限從之天禧元年九月詔太廟齋郎令銓司依大中祥符六年七月條貫郊社齋郎指揮施行五年十一月詔自今齋郎乞改補充室長掌坐者令部部於奏狀內具投狀月日如有丁憂者即除服制外據投狀月日已前將兩頭零月日合為一周年通計實理年限申奏改補并銓曹廳勘時內有丁憂者亦依此例通將服制前後零月日如及一周年與作一選施行乾興元年五月仁宗

小字表注

已即位未改元吏部銓官惟格郊社齋郎補奏後五年轉掌坐改補後五年附奏年滿勅下復一選集欲望自今年滿不曾改補者此類選並依諸色選職選人體例施行從之仁宗天聖四年閏五月詔自今後所補室長齋郎並依例赴宗正寺公參九月尚書禮部言太廟齋郎已改補多達長定格年限當部郎從選人施行看詳多不知格文立年限改補欲望每年終錄格文下都進奏院牒諸路轉運司令告示有隨父兄在官或即寄居住者如補授後及長定格內年限並仰赴當部投狀改補如年及格遇恩放選赴南曹投狀更不在改補之限台未欲奏選亦須依格改補庶免時有殿選其在京居

卷一百一十

止者即禮部告示從之八年九月尚書禮部言臣條奏薦骨肉補齋郎者近年多有增舉年幾以就合格欲望自今並於奏狀內明言所奏人請實年幾其進納斛斛人亦於元陳狀內聲說從之慶曆四年四月詔致仕官之子孫投狀銓齋郎年及格者與免選除近便官嘉祐六年十一月二十七日詔室長齋郎年及二十已上即令公參行事以上會要

金唐文

宋會要

挽郎

乾興元年八月仁宗乙卯位未既元翰林學士承旨李維學士晏殊等言至道中太宗皇帝山陵時宋白梁周翰各奏經男補充承熙陵挽郎臣維有外甥之子王殊臣殊有堂弟之孫詢欲各補充永定陵挽郎從之。仁宗天聖元年正月流內銓言據永定陵挽郎王殊稱蒙恩補役赴山陵行事別無遺闕係是放選乞比蘇郎例注官銓司檢詳長定格蘇郎挽郎並是一類出身人欲令王殊依蘇郎例許於南曹投狀從之會要

卷一百一十二

宋會要 禮儀院

唐制有知禮儀院禮儀使之目自建中後惟郭祀權置禮儀使事畢即停國初止以禮院掌其事雍熙初封禪別命學士常衣官七人同詳定儀注事畢即罷大中祥符元年東封又命學士待制五人與列禮院李維孫美善詳定儀注事畢遂不廢局治隆聖祖降奉祀並然真宗大中祥符六年八月詔以起居院詳定所為禮儀院命兵部侍郎趙安仁翰林學士陳彭年同知院初置詳定所即命彭年領其事以彭年修起居注故命起起居院為官局長編注詳定所自元年四月置至六年八月庚午改名禮儀

院從起居院於三節七年二月以參知政事丁謂判禮儀院而陳彭年知院如致先足趙安仁與彭年同知院至是安仁罷領事止命謂與彭年領之自是以多參知政事一員判院以學士丞郎諸三品以上一員知院獨榜刻印彩文他局悉以銀臺司為準若中書樞密院判院則移文諸司自宣藏院御史臺以下皆用劉子其後劉置院於右掖門外凡行禮皆用儀仗法物有不合典禮者悉裁定制度而外書臺中書禮房所主者悉付之樞密司京司司各史以充其公又令禮部禮直官分番祇應凡司輪番赴院祇應急公事皆填印紙札子即時行遣時朝廷奉祠祭九禮凡作一事件機微委曲多所規創六月詔禮儀院應行禮儀式於宣徽院行頭子御史頭行禮處禮儀院並劉送如不足中書樞密院大臣判院並行公牒庫務依舊行劉子於三司行帖處並劉付於行禮處亦牒祇應禮儀院伏伺禁司分未劉送於諸路轉運司并兩京諸州府或行禮或行劉子應千議請事於中書樞密院即中書樞密院如傳聖旨或常程小事即依閣門例寫劉子用印送所屬房分應于詳定儀注仗衛紀祭公事合馬到進呈者如屬中書即其劉子次第商量附中書進呈如係執儀兵士雜馬屬家院亦依此附進應每行禮遠促即速急施行令告報速處依閣門劉子

劉用印發遣如行下文字後遠處祇應未備者批送遠處重行供辦及諸處有所申稟亦即時轉錄行遣不及者批與指揮應自東封後凡行大禮儀太常禮院及詳定所運時文字今未禮儀院並編纂一處編錄故掌雅備檢閱其諸司禮儀除制事件亦合分明編錄應于禮儀仗祠祭及祇行禮事委遠處看詳見今祇應儀式如有未便事件從本司學劉起請中禮儀院參議改更應儀仗禮服祇應行禮所用放遠處各取一事件看驗如有故闕不任整飾者送三司今不稟判官管勾修葺內未合典禮事件即劉定制度應遇皇帝升壇行禮其升壇祇應司祇應人衣服冠帽令劉造一者封春管係如有制度不如法者即便參定應備設什物祇應行禮及壇殿所用令儀鸞司造撰一者劉庫封祇應時不得雜用應諸司各祇應手分每日常給一人祇應越急勾喚指揮公事應每過行禮合升壇祇應諸司職掌等令於習儀前五日各具遠處差定人數姓名赴禮儀院合要公用錢依禮院制月給十應禮儀院主押人月時支錢三千前後行二千其押到守關人須入社及三周年即依例給食直筆墨錢後三周年會經祇應大禮無過關即祇應御史臺試書札補遺處正名叙理勞考如功過狀已下一次殿一年如遇文字併多聽於館閣指書諸司守關內選差抄

賜大禧元年三月樞密使王欽若言禮儀院實司盛典以奉禮祀創置已未嘗參知政事兼判昨者直詣天書之際臣受詔權令管勾方當大禮不敢因辭今請劉選官以總其事詔欽若兼領之仁宗大聖元年四月樞密劉使張士遜等言禮儀院占公八十二人歲費錢千七百餘貫非泛行禮支給在外日逐行遣祇應不多詳定儀制大宋屬太常禮院管勾今請停罷所有承受宣勅行遣公案諸般文字並付禮院乃詔罷禮儀院以知禮儀院翰林學士晏殊龍圖閣直學士馮元為判太常禮院同判太常禮院官為同知院太常禮院典禮所自出大中祥符又增置禮儀院以輔臣領其事蓋是始罷之

大晟府

國朝禮樂亭於奉常崇寧初置局議大樂樂成置府建
官以司之禮樂始分為二府在宣德門外大街之東隸
禮部序列與寺監同在太常寺之次以大司樂典樂為
長貳次曰大樂令秩比丞其次曰主簿曰協律郎又有
按協聲律製撰文字運譜等官以京朝官選人或白衣
士人通樂律者為之又差武臣監府門及大樂法物庫

又有侍從及內省近侍官提舉所典六業曰大樂曰鼓
吹曰宴樂曰法物曰知雜曰掌法其所轄則鈴轄教坊
所及教坊吏屬則有胥長胥史胥佐貼書掌官物者則
有專知副知庫子工屬則有樂正樂師色長上工中工
下工舞師云徽宗崇寧四年八月二十七日詔曰迺者
得逸達之士於草茅之賤獲英莖之器於受命之邦適
時之宜以身為度鑄鼎以起律因律以制器按協於廷
八音克諧新樂宜賜名曰大晟其舊樂勿用五年九月
二十日詔曰樂不作久矣朕承先志述而作之建官分
屬設府充徒以成一代之制而近者省廢併之禮官夫
舜命夔典樂命伯夷典禮各分所守其大晟府名可復

舊是年二月嘗省內外冗官大晟府省廢恐亦在是月
至此有復舊之詔大觀四年八月十一日詔大晟官徒
廩給繁厚未適其中自今省樂令一員監官二員吏祿
並視大常格宣和二年七月十六日詔大晟府近歲添
置按協聲律及製撰殊為冗濫白身滿歲即補地功郎
僥倖為甚可並罷在任者依省罷法八月十五日詔罷
大晟府製造所十八日尚書省言奉詔在所及諸路樂
工舊制工條先行後來增破請給必為冗濫可並依舊
制內在京樂工過朝會祠事日特與支給食錢仍立定
人額本府檢會舊來祠祭共四十三次今來年中祠祭
及明堂頒朔布政通計八十一次并非泛應奉在外教

習食錢見依本府格令外今措置到朝會祠事日特支
食錢下項上中下樂工舞師各一百文色長二百文副
樂正樂師共六人各三百文樂正共二人各五百文本
府見管樂正六百三十五人舞師一百五十八人共計七
百八十五人今欲用見管七百八十五人立為定額今
後便不添人其不足人乞依例借教坊樂人并守闕舞
師契勘破教習食錢每年都計支六千四百六十一貫
五百八十文樂正年終每名共支錢四十貫文副樂正
年終每名共支錢一十貫二百文樂師年終每名共支
錢三貫九百文運譜年終每名共支錢三貫九百文樂
正二人每名每月料錢十貫文米麥各一碩春冬衣絹

共一十疋綿一十兩單羅公服一領夾羅公服共二領
副樂正二人每名每月料錢八貫文米麥各一碩春冬
衣絹共七疋綿八兩單公服一領夾公服共二領樂師
四人每名每月料錢六貫文米一碩麥五斗春冬衣絹
共六疋單公服一領夾公服共二領運譜并色長共四
十四人每名每月料錢五貫文米一碩麥五斗春冬衣
絹共四疋單羅公服一領夾羅公服共二領上工一百
六十八人每名每月料錢四貫文米一碩春冬衣絹二疋
中工一百五十八人每名每月料錢三貫文米一碩春
冬衣絹共二疋下工并舞師共四百十九人每名每月
料錢二貫文米一碩春冬衣絹共二疋已上都計錢五
萬四千二百八十八貫三百二十文檢承崇寧五年十一月
勅令諸樂工教習日文食錢後稍精熟免日教遇大禮
大朝會前一月大祠前半月中祠前十日小祠前五日
教習各前期在家習學止赴大寺協律廳草按一日并
臺官按樂一日詔教習草按樂日分並依未置府以前
舊制遇依舊制台破按樂日分並特依崇寧五年十一
月條支破食錢七年十二月二十二日詔罷大晟府并
教樂所

宋會要 教坊

國朝凡大宴曲宴應奉車駕游幸則皆引從及賜大臣
宗室筵設並用之置使一人副使二人都色長四人色
長三人高班都知二人都知四人第一部十一隊第二
部二十四人第三部六人第四部五十四人貼部九十
八人舊使至貼部止二百四人復增高班都知已下皆
執色雜劇二十四人版二十人歌二人琵琶二十一人
篳篥二人笙十一人第十八人箏篳十二人笛十二人
方響十一人羯鼓三人杖鼓二十九人大鼓七人五絃
四人別有排樂三十九人掌撰文字一人太祖開寶八
年四月二十九日教坊使衛得仁年老乞外官引後唐
故事希頌郡帝謂宰相曰用伶人為刺史此亂世事焉
可法耶此輩止宜於樂部中選授乃以為太常寺太樂